

希言自然章第二十三

希言自然

御註曰希者獨立於萬物之上而不與物對列子所謂疑獨是也去智與故循天之理不從事於外故言自然

碧虛子陳景元曰希者疏也易曰吉人之辭寡

涑水司馬光曰知道者不言而喻故曰自然

穎濱蘇轍曰道之出口淡乎其無味視之不足見聽之不足聞用之不可既此所謂希言矣

臨川王安白曰多言數窮故希言則自然

陸佃曰夫物莫能使之然亦莫能使之不然者謂之自然

道藏輯要

道德真經 彭鶴林集注

重

心集六 川七上二

道真仁靜先生曹道冲曰言教出則為迹未能因於物情故聖人行不言之教任自然之理

達真子曰道不可聞故聽之不聞則名曰希希者冥其聲之謂也

葉夢得曰此章明言不足以得道欲得道者必即道以求之而道之不行世始有方術之士各以其一曲詭怪譎譎違理而叛道雖幸或見不旋踵而亡矣

清源子劉驥曰聽之不聞名曰希希言則聽乎無聲而無聲之中獨聞和焉故自然也

故飄風不終朝驟雨不終日孰為此者天地天地尚不能久而

況於人乎

御註曰天地之造萬物風以散之委眾形之自化雨以潤之任萬物之自滋故不益生不勸成而萬物自遂於天地之間所以長且久也飄驟則陰陽有繆戾之患必或使之而物被其害故不能久

碧虛子陳景元曰形之大者莫過乎天地氣之廣者莫極乎陰陽陰陽相激天地交錯尙不能崇朝終日何況人處天地之間不似毫末之在馬體乎而敢縱愛欲任喜怒趨取速亡不亦悲乎

潁濱蘇轍曰陰陽不爭風雨時至不疾不徐盡其勢之所至

道藏輯要

道德真經
彭鶴林集注

重

心集六
川三十一

而後止若夫陽亢於上陰伏於下否而不得泄於是爲飄風暴雨若將不勝然其勢不能以終日古之聖人言出於希行出於夷皆因其自然故久而不窮世或厭之以爲不若詭辭之悅耳怪行之驚世不知其不能久也

道真仁靜先生曹道冲曰飄風驟雨謂不常也而況人心豈能常也

葉夢得曰夫言之不足尙如此

黃茂材曰道無可言自然而已自然則久飄風驟雨非其自然故不能終朝日況於人乎人法地地法天天法道道法自然其所法也回轉而及自然自然之功豈易到哉

故從事於道者道者同於道德者同於德失者同於失同於道者道亦樂得之同於德者德亦樂得之同於失者失亦樂得之碧虛子陳景元曰從爲也順也言人爲事當從順於道希言愛氣永保天和豈可若飄風驟雨而不久長也

穎濱蘇轍曰孔子曰苟志於仁矣無惡也故曰仁者之過易辭志於仁猶若此而况志於道者乎苟從事於道矣則其所爲合於道者得道合於德者得德不幸而失雖失於所爲然必有得於道德矣

道真仁靜先生曹道冲曰聖人從事於自然之道不强物情道者同於道有道者可與語道德者同於德謂彼此俱造於

道藏輯要

道德真經 彭鶴林集注

高

心集六 六百廿四

德則可與語於德也失者同於失鴝鵒與梟皆以夜爲晝則難與辨其謬失也

葉夢得曰非失之云能得道也因其失而正之亦可以得乎道也

黃茂材曰道至大也有從事於此道則同於道德則同於德失則同於失譬之海廣無不容大無不納物之在其中也無不各得其欲故道者曰吾得之德者曰吾得之失者曰吾得之失既以爲失矣又焉得曰失道而後德則德也者非失而得之乎失德而後仁則仁也者非失而得之乎失仁而後義失義而後禮則義與禮也者非失而得之乎夫是謂之大同

信不足有不信

碧虛子陳景元曰仙道貴生鬼道貴終蓋各以類應也是以信乎道者得其道信乎德者得其德不信於道輕忽於德故道亦不應德亦無稱舉之天下豈有信之者哉

穎濱蘇轍曰不知道者信道不篤因其失而疑之於是益以不信夫惟知道然後不以得失疑道也

達真子曰信道足則於道無不信也信德足則於德無不信也

陳象古曰言亂而理寡故人不之信

黃茂材曰至道甚微信者寡不信者多老子重言及此憫世

道藏輯要

道德真經
彭鶴林集注

三

心集六
川州

人之愚而欲其信也歟

跋者不立章第二十四

跋者不立跨者不行

御註曰違性之常而冀形之適難矣

碧虛子陳景元曰冒進之夫跋望非分欲求寵榮雖苟得之有若延頸舉踵何能久立乎

涑水司馬光曰心有所屬故不能兩存

穎濱蘇轍曰人未有不能立且行者也苟以立爲未足而加之以跋以行爲未足而加之以跨未有不喪失其行立者彼其自見自是自伐自矜亦若是矣